




სსიპ - საგანმანათლებლო და სამეცნიერო
ინფრასტრუქტურის განვითარების სააგენტო



MES 3 21 0000930445



16/09/2021

სსიპ „საგანმანათლებლო და სამეცნიერო ინფრასტრუქტურის განვითარების სააგენტო“-ს
სახელმწიფო ბიუჯეტის ასიგნების ფარგლებში სახელმწიფო შესყიდვების
განსახორციელებლად შექმნილი სატენდერო კომისიის სხდომის
ოქმი N1

ქ. თბილისი

სხდომას უძღვებოდა

ილია ღუდუშაური - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“
დირექტორი - კომისიის თავმჯდომარე;

სხდომას ესწრებოდნენ:

გიორგი შალუტაშვილი - სსიპ „საგანმანათლებლო და სამეცნიერო ინფრასტრუქტურის განვითარების
სააგენტოს“ დირექტორის პირველი მოადგილე - კომისიის წევრი;

მამია მორალიშვილი - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“
დირექტორის მოადგილე - კომისიის წევრი;

ლევან სუხიტაშვილი - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“
დირექტორის მოადგილის ფუნქციათა შემსრულებელი სამშენებლო ინფრასტრუქტურის განვითარების დარგში -
კომისიის წევრი;

მამუკა ბერიძე - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“
ეკონომიკური სამსახურის უფროსი - კომისიის წევრი;

ზვიად ჩანტლაძე - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“
ადმინისტრაციის სამსახურის უფროსი - კომისიის წევრი;

დავით მესხიშვილი - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“
შესყიდვების სამსახურის უფროსი - კომისიის წევრი;

სატენდერო კომისიის აპარატის წევრები:

ილია ღუდუშაური - კომისიის თავმჯდომარე;

თათა კვანტალიანი - აპარატის წევრი;

დღის წესრიგი: სსიპ საგანმანათლებლო და სამეცნიერო ინფრასტრუქტურის განვითარების სააგენტოს მიერ
2021-2022 წლის სახელმწიფო ბიუჯეტის დაფინანსების ფარგლებში სსიპ მესტიის მუნიციპალიტეტის სოფელ
იფარის საჯარო სკოლის სამშენებლო სამუშაოების მრავალწლიან შესყიდვაზე ელექტრონული ტენდერის
აუქციონის გარეშე ჩასატარებლად შესაბამისი სატენდერო დოკუმენტაციისა და ტენდერის ჩატარების შესახებ
განცხადების პირობების მომზადება.

აღწერილობითი ნაწილი: 2021 წლის 13 აგვისტოს N790493 და 2021 წლის 08 სექტემბრის N882591
სამსახურებრივი ბარათის თანახმად დაგეგმილია სსიპ მესტიის მუნიციპალიტეტის სოფელ იფარის საჯარო

სკოლის სამშენებლო სამუშაოების განხორციელება, რაზეც საჭიროა გამოცხადდეს შესაბამისი ტენდერი. შესყიდვის სავარაუდო ღირებულება შეადგენს 2 479 620 ლარს, ხოლო სამშენებლო სამუშაოების შესასრულებლად განსაზღვრულია 11 თვე.

ვინაიდან, სამუშაოების შესრულებისთვის და სატენდერო პროცედურის ჩატარებისთვის საჭირო ვადების გათვალისწინებით, შესყიდვის ობიექტის ღირებულების სრულად ანაზღაურება ვერ მოესწრება 2021 წლის სახელმწიფო ბიუჯეტის ფარგლებში, სამუშაოების განხორციელება დაიგეგმა მრავალწლიანი შესყიდვით. კერძოდ, 2021 წელს ათვისებული იქნება სავარაუდოდ 500 000 ლარი, ხოლო 2022 წელს სავარაუდოდ 1 979 620 ლარი. აღნიშნულის თაობაზე მიღებულია საქართველოს ფინანსთა სამინისტროს შესაბამისი თანხმობა (2021 წლის 15 სექტემბერის N04-02/114013 წერილი).

სამოტივაციო ნაწილი:

სატენდერო კომისიას მიზანშეწონილად მიაჩნია სავარაუდო ღირებულება განისაზღვროს 2 479 620 ლარით. ჯამური სავარაუდო ღირებულებიდან 2021 წელს ათვისებული იქნება სავარაუდოდ 500 000 ლარი, ხოლო 2022 წელს სავარაუდოდ 1 979 620 ლარი. შესყიდვის ობიექტის მიწოდების ვადა შეადგენს ხელშეკრულების გაფორმებიდან 11 თვეს.

შესრულებული სამუშაოების საგარანტიო ვადების შესახებ ინფორმაცია წარმოადგენს მხარეთა შორის გაფორმებული ხელშეკრულების დანართს და შესაბამისად მის განუყოფელ ნაწილს.

1. სახურავი - 10 წელი ქანობიანი გადახურვა, 5 წელი რბილი გადახურვა (ასეთის არსებობის შემთხვევაში);
2. კარ-ფანჯრები - იზოალუმინი -5 წელი, საკეტები-1 წელი (ასეთის არსებობის შემთხვევაში);
3. გამაგრება-გამძლიერების სამუშაოები -10 წელი (ასეთის არსებობის შემთხვევაში);
4. შენობის შიდა მოპირკეთება - 1 წელი (ასეთის არსებობის შემთხვევაში);
5. ფასადის და სარინელის სამუშაოები -5 წელი (ასეთის არსებობის შემთხვევაში);
6. სამღებრო სამუშაოები - 1 წელი (ასეთის არსებობის შემთხვევაში);
7. სანტექნიკა და ელექტრობა - 5 წელი (ასეთის არსებობის შემთხვევაში);
8. გათბობის სისტემა - 1 წელი (ასეთის არსებობის შემთხვევაში);
9. საქვაბე მეურნეობის აგრეგატები - 3 წელი (ასეთის არსებობის შემთხვევაში);
10. იატაკი - 2 წელი (ასეთის არსებობის შემთხვევაში);
11. კონსტრუქციები (ახალი შენობის მშენებლობის შემთხვევაში) - 20 წელი (ასეთის არსებობის შემთხვევაში);
12. წყალსადენისა და კანალიზაციის გარე ქსელი - 2 წელი (ასეთის არსებობის შემთხვევაში);
13. ღობე - 2 წელი (ასეთის არსებობის შემთხვევაში);
14. სხვა დანარჩენი - 1 წელი (ასეთის არსებობის შემთხვევაში);
15. ლიფტი - 2 წელი (ასეთის არსებობის შემთხვევაში);
16. ლიფტის საექსპლუატაციო ვადა- 5 წელი (ასეთის არსებობის შემთხვევაში);
17. ამწე მოწყობილობა 2 წელი (ასეთის არსებობის შემთხვევაში);

აღნიშნული არ გულისხმობს საანგარიშო პერიოდში დაზიანების აღდგენას, თუ დაზიანება გამოწვეული იქნება დაუძლეველი ძალის ზეგავლენით ან გარეშე ძალის ზემოქმედებით.

შესრულებული სამუშაოების ხარისხის უზრუნველსაყოფად, წინამდებარე ტენდერის ხელშეკრულების ფარგლებში გამოყენებული იქნება საბანკო ან სადაზღვევო კომპანიის (საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ „საქართველოს დაზღვევის სახელმწიფო ზედამხედველობის სამსახური" მიერ ლიცენზირებული სადაზღვევო კომპანიიდან) მიერ გაცემული ხარისხის უზრუნველყოფის უპირობო (გარანტიით გათვალისწინებული თანხა შემსყიდველმა უნდა მიიღოს ყოველგვარი დამატებითი განმარტებებისა და მტკიცებულებების წარდგენის გარეშე, პირველი მოთხოვნისთანავე) და გამოუთხოვადი გარანტია, ხელშეკრულების საერთო ღირებულების 5%-ის ოდენობით. გარანტიის მოქმედების ვადა განისაზღვრება საბოლოო მიღება-ჩაბარების აქტის გაფორმებიდან ერთი წლის ვადით. გარანტია გაცემული უნდა იყოს ეროვნულ ვალუტა - ლარში. გარანტია წარმოდგენილი უნდა იქნას საბოლოო მიღება-ჩაბარების აქტის გაფორმებიდან არაუგვიანეს ხუთი სამუშაო დღის ვადაში.

შესასრულებელი სამუშაოების მოცულობის, სირთულისა და სპეციფიკის გათვალისწინებით სატენდერო კომისიამ მიზანშეწონილად მიაჩნია სატენდერო დოკუმენტაციაში ინფორმაცია პრეტენდენტის გამოცდილების შესახებ მოცემულ შემთხვევაში განისაზღვროს შემდეგნაირად:

2.2.1.1 პრეტენდენტს საქართველოს ტერიტორიაზე ან/და სხვა ქვეყნის ტერიტორიაზე (გარდა იმ ქვეყნის ტერიტორიისა, სადაც რეგისტრირებულია პრეტენდენტი) 2017 წლის 1 იანვრიდან მოცემულ ტენდერში წინადადებების მიღების დასრულების დღემდე უნდა ჰქონდეს შენობის (არ იგულისხმება გზა, ხიდი, გვირაბი) სამშენებლო-სარეაბილიტაციო სამუშაოების შესრულების გამოცდილება არანაკლებ 4 959 240 (ოთხი მილიონ ცხრაასორმოცდაცხრამეტი ათას ორასორმოცი) ლარის ღირებულებით, მათ შორის ერთი ხელშეკრულების ფარგლებში უნდა ჰქონდეს ახალი შენობის მშენებლობის გამოცდილება არანაკლებ 1 239 810 (ერთი მილიონ ორასოცდაცხრამეტი ათას რვაასათი) ლარის ოდენობით, რომელზეც წარმოდგენილი უნდა იქნას დამკვეთის მიერ გაცემული სარეკომენდაციო წერილი. სარეკომენდაციო წერილში მითითებული უნდა იყოს ხელშეკრულების გაფორმების თარიღი, ხელშეკრულების ნომერი, შესყიდვის ობიექტის დასახელება, შესრულებული სამუშაოების ღირებულება (შესრულებული სამუშაოების ღირებულების მითითება სარეკომენდაციო წერილში სავალდებულო არ არის, თუ ეს ინფორმაცია იკითხება მიღება-ჩაბარების აქტში), ინფორმაცია იმის შესახებ რომ ხელშეკრულებით ნაკისრი ვალდებულებები შესრულებულია სრულად და ჯეროვნად. გარდა ამისა პრეტენდენტმა მოთხოვნილი გამოცდილების დასტურად უნდა წარმოადგინოს ხელშეკრულებ(ებ)ი, საბოლოო მიღება-ჩაბარების აქტ(ებ)ი და ანგარიშფაქტურ(ებ)ი (არსებობის შემთხვევაში - ვრცელდება ანგარიშფაქტურაზე) ან ანგარიშსწორების დამადასტურებელი შესაბამისი დოკუმენტაცია (საგადახდო დავალება).

2.2.1.2 იმ შემთხვევაში თუ დამკვეთი (შემსყიდველი) და შემსრულებელი (პრეტენდენტი ან ამხანაგობის წევრი) არის ერთი და იგივე პირი და არ არსებობს სამუშაოების მიწოდებაზე გაფორმებული ხელშეკრულება, შესაძლებელია წარმოდგენილი იქნას აუდიტორული ფირმების ან/და აუდიტორების სახელმწიფო რეესტრში რეგისტრირებული პირის მიერ გაცემული შესაბამისი დასკვნა (დასკვნაში მითითებული უნდა იყოს დასკვნის გამცემი პირის სახელმწიფო რეესტრში რეგისტრაციის ნომერი და აღნიშნული უნდა იმეზნებოდეს <https://www.saras.gov.ge> ვებ-გვერდზე შესაბამის რეესტრში), რომლითაც უნდა დასტურდებოდეს, რომ პრეტენდენტს ზემოაღნიშნული პერიოდის განმავლობაში გააჩნია მოთხოვნილი ღირებულების და შინაარსის სამშენებლო-სარეაბილიტაციო სამუშაოების შესრულების გამოცდილება.

2.2.1.3. იმ შემთხვევაში, თუ პრეტენდენტს შესრულებული აქვს სამუშაოები, როგორც ქვეკონტრაქტორს სახელმწიფო შესყიდვების ფარგლებში, მაშინ ეს სამუშაოები გამოცდილებად ჩაითვლება მხოლოდ იმ შემთხვევაში, თუ ქვეკონტრაქტორის მიერ სამუშაოების შესრულება წინასწარ იყო შეთანხმებული ძირითად შემსყიდველთან (თუ საჭირო იყო შეთანხმება) და სამუშაოები სრულად არის დასრულებული და მიღებული ძირითადი შემსყიდველის მიერ (მხოლოდ ქვეკონტრაქტის ფარგლებში სამუშაოების სრულად მიწოდება არ არის საკმარისი).

2.2.1.4 იმ შემთხვევაში თუ პრეტენდენტის მიერ შესრულებული სამუშაოების შესყიდვა განხორციელებულია სახელმწიფო შესყიდვების ერთიანი ელექტრონული სისტემის გამოყენებით და შესყიდვისა და სამუშაოების შესრულების დამადასტურებელი დოკუმენტები ატვირთულია სახელმწიფო შესყიდვების ერთიან ელექტრონულ სისტემაში, საკმარისია SPA ან NAT ან CMR ნომრის შესახებ ინფორმაციის წარმოდგენა. შესაბამის SPA ან NAT ან CMR ნომრებს მინიჭებული უნდა ჰქონდეს სტატუსი „შესრულებული ხელშეკრულება“;

შესყიდვის ობიექტის სპეციფიკის გათვალისწინებით ასევე მნიშვნელოვანია საავანსო გადახდის პირობების განსაზღვრა. აღნიშნული პირობა მიზანშეწონილია ჩამოყალიბდეს შემდეგი რედაქციით: საავანსო ანგარიშსწორება შესაძლებელია განხორციელდეს ხელშეკრულების მოქმედების ნებისმიერ ეტაპზე მიმწოდებლის მოთხოვნის საფუძველზე, ასათვისებელი თანხის არაუმეტეს 40%-ის ოდენობით. თუ მიმწოდებლის მიერ ავანსის სახით გათვალისწინებული თანხა ათვისებული იქნება (ერთჯერადად ან ეტაპობრივად) სრული მოცულობით, მომდევნო საავანსო ანგარიშსწორება ხელშეკრულების ფარგლებში დარჩენილი თანხის არაუმეტეს 40%-ის ოდენობით შესაძლებელია განხორციელდეს იმ შემთხვევაში, თუ საავანსო ანგარიშსწორების მოთხოვნის შემთხვევაში „მიმწოდებელმა“ უნდა წარმოადგინოს საქართველოს ეროვნული ბანკის მიერ ლიცენზირებული საბანკო დაწესებულებიდან გაცემული საბანკო გარანტია, რომლის მოქმედების ვადა 1 (ერთი) თვით უნდა აღემატებოდეს

ხელშეკრულების მოქმედების ვადას. გარანტია წარმოდგენილი უნდა იქნას ეროვნულ ვალუტაში - ლარში. უცხოური ბანკიდან საბანკო გარანტიის წარმოდგენის შემთხვევაში მასთან ერთად მიმწოდებელმა უნდა წარმოადგინოს ზემოაღნიშნული საბანკო გარანტიის საფუძველზე საქართველოს ეროვნული ბანკის მიერ ლიცენზირებული საბანკო დაწესებულებიდან გაცემული „კონტრგარანტია“ (ლარში). საბანკო გარანტია და მასთან დაკავშირებული დოკუმენტაცია წარმოდგენილი უნდა იქნას ქართულ ენაზე (დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს საქართველოს კანონმდებლობით დადგენილი წესით შესრულებული თარგმანი ქართულ ენაზე).

ავანსის სახით გადახდილი თანხის გაქვითვა მოხდება ეტაპობრივად, ფაქტიურად შესრულებული სამუშაოების ღირებულების პროპორციულად.

სატენდერო დოკუმენტაციაში საავანსო გადახდის პირობების განსაზღვრისას სატენდერო კომისია ყურადღებას ამახვილებს შემდეგ ფაქტორებზე: „სახელმწიფო შესყიდვების შესახებ“ საქართველოს კანონის ფუნდამენტურ მიზანს წარმოადგენს სახელმწიფო შესყიდვებისთვის განკუთვნილი სახელმწიფო საბიუჯეტო სახსრების რაციონალური ხარჯვის უზრუნველყოფა და იგი რეგლამენტირებულია მითითებული კანონის მე-2 მუხლის „ა“ პუნქტით. ამავე კანონის მე-7 მუხლის მე-3 პუნქტის „ა“ ქვეპუნქტით იმპერატიულად არის განსაზღვრული შემსყიდველის ვალდებულება რაციონალურად და საქართველოს სახელმწიფო ინტერესების გათვალისწინებით განახორციელოს შესყიდვები მისთვის გამოყოფილ ასიგნებათა ფარგლებში, ამ კანონითა და შესაბამისი ნორმატიული აქტებით დადგენილი წესების დაცვით; მითითებული მუხლის მე-3 პუნქტით ასევე იმპერატიულად არის დადგენილი, რომ პასუხისმგებლობა ამ კანონითა და შესაბამისი ნორმატიული აქტებით დადგენილი წესებისა და ნორმების დაცვისათვის, შესყიდვების რაციონალური განხორციელებისათვის მთლიანად ეკისრება შემსყიდველ ორგანიზაციას.

„სახელმწიფო შესყიდვების შესახებ“ საქართველოს კანონის 21¹ მუხლის პირველი პუნქტის მიხედვით, წინასწარი ანგარიშსწორების შემთხვევაში მიმწოდებელი ვალდებულია შემსყიდველ ორგანიზაციას წარუდგინოს წინასწარ გადასახდელი თანხის იდენტური ოდენობის გარანტია, გარდა ამ მუხლის მე-2 პუნქტითა და კანონქვემდებარე ნორმატიული აქტით გათვალისწინებული შემთხვევებისა.

შესაბამისად, სახელმწიფო შესყიდვების განხორციელებისას, საბიუჯეტო სახსრების რაციონალურად ხარჯვისა და ხელშეკრულების ფარგლებში წინასწარი ანგარიშსწორების უზრუნველყოფის საშუალებად, კანონმდებლობით დადგენილ შემთხვევებში შემსყიდველი იყენებს საბანკო გარანტიას.

საქართველოს სამოქალაქო კოდექსის 879-ე მუხლის თანახმად საბანკო გარანტიის ძალით ბანკი, სხვა საკრედიტო დაწესებულება ან სადაზღვევო ორგანიზაცია (გარანტი) სხვა პირის (პრინციპალის) თხოვნით კისრულობს წერილობით ვალდებულებას, რომ ნაკისრი ვალდებულების შესაბამისად გადაუხდის პრინციპალის კრედიტორს (ბენეფიციარს) ფულად თანხას გადახდის შესახებ ბენეფიციარის წერილობითი მოთხოვნის საფუძველზე.

ამდენად, საბანკო გარანტიის არსიდან გამომდინარე, ბანკი, სხვა საკრედიტო დაწესებულება ან სადაზღვევო ორგანიზაცია კისრულობს პასუხისმგებლობას, ბენეფიციარის მოთხოვნისთანავე აანაზღაუროს ზიანი ფულადი თანხის გადახდის გზით. ამდენად, გაცემული გარანტია უპირობოდ წარმოშობს ზიანის ანაზღაურების სამომავლო ვალდებულებას. აღნიშნული, სახელმწიფო შესყიდვის დროს, ხელშეკრულების ფარგლებში წინასწარი ანგარიშსწორებისას სახელმწიფო ბიუჯეტის კუთვნილი სახსრების დაცვის მნიშვნელოვანი და ეფექტური მექანიზმია.

ვინაიდან, პრინციპალის მხრიდან არასასურველი გარანტიის წარმოდგენა საფრთხეს შეუქმნის შემსყიდველი ორგანიზაციის მიერ „სახელმწიფო შესყიდვების შესახებ“ საქართველოს კანონის დაცვას, კანონმდებლობის მოთხოვნებიდან გამომდინარე, სააგენტო ვალდებულია სახელმწიფო შესყიდვების განხორციელებისას იმოქმედოს გონივრულად და არ დაუშვას სახელმწიფო ბიუჯეტის კუთვნილი ფულადი სახსრების იმდაგვარი განკარგვა, რომ არ დაირღვეს სახელმწიფო შესყიდვების კანონმდებლობით დადგენილი პრინციპები და ზიანი მიაღგეს სახელმწიფო ინტერესებს.

პრაქტიკაში გამოვლინდა შემთხვევები, რაც კითხვის ნიშნის ქვეშ აყენებს გარანტიის სამართლებრივ ინსტიტუტს, როგორც მოთხოვნის დაკმაყოფილების სწრაფ და ეფექტურ საშუალებას.

ზოგიერთი სადაზღვევო კომპანიის მიერ გაიცემა საბანკო გარანტია, რომლითაც ფორმალურად კისრულობს უპირობო ვალდებულებას, პირველივე მოთხოვნისთანავე (არაუმეტეს 5-10 სამუშაო დღის ვადაში) აანაზღაუროს საგარანტიო თანხა (მოთხოვნის ან მოთხოვნილი თანხის ყოველგვარი დასაბუთების გარეშე). მოთხოვნის წარდგენისას კი მათი მხრიდან ირღვევა გარანტიის დამოუკიდებლობის პრინციპი და გარანტი აჭიანურებს თანხის გადახდას. აღნიშნულით კი მნიშვნელოვანი ზიანი ადგება სახელმწიფო ინტერესებს.

შესაბამისად, განსაკუთრებით საყურადღებოა საავანსო გარანტიასთან მიმართებაში სახელმწიფოს ინტერესების გათვალისწინება, ვინაიდან საკითხი ეხება სახელმწიფო ბიუჯეტის კუთვნილი თანხების უზრუნველყოფას. ამასთან, საავანსო თანხა გაიცემა სააგენტოს პასუხისმგებლობით და სატენდერო დოკუმენტაციის პირობებიც უნდა ჩამოყალიბდეს იმგვარად, რომ არ ეწინააღმდეგებოდეს საქართველოს კანონმდებლობას, დაცული იქნას საბიუჯეტო სახსრები და სახელმწიფო ინტერესები.

ამდენად, სახელმწიფო შესყიდვების შესახებ ხელშეკრულების ფარგლებში წინასწარი ანგარიშსწორების განხორციელებისას უზრუნველყოფის გარანტიის სავალდებულოდ მოთხოვნის მიზანია სახელმწიფო ბიუჯეტის კუთვნილი ფულადი სახსრების საიმედო დაცვა სახელშეკრულებო ვალდებულებათა შეუსრულებლობით გამოწვეული შედეგებისაგან. სწორედ ამ მიზეზების გათვალისწინებით, საბანკო გარანტია, რომელსაც ადმინისტრაციული ორგანო იღებს საავანსო გადახდის უზრუნველყოფის სახით, უნდა იყოს საიმედო და შესაბამისი დარღვევის შემთხვევაში, გარანტირებული უნდა იყოს მისი ანაზღაურება. სწორედ ამგვარი ტიპის გარანტიის მიღებაა ასეთ შემთხვევაში სახელმწიფოს ინტერესი.

ზემოთმითითებული ფაქტობრივი გარემოებების გათვალისწინებით, სახელმწიფო საბიუჯეტო სახსრების რაციონალურად ხარჯვის, სახელმწიფო ინტერესების და სააგენტოს პასუხისმგებლობის მაქსიმალურად დაცვის უზრუნველსაყოფად, აუცილებელია საავანსო ანგარიშსწორების მოთხოვნის შემთხვევაში მიმწოდებლის მიერ წარმოდგენილი იქნას საქართველოს ეროვნული ბანკის მიერ ლიცენზირებული საბანკო დაწესებულების მიერ გაცემული საბანკო გარანტია.

სატენდერო დოკუმენტაციაში გათვალისწინებული იქნას პირობა: „სამუშაოების წარმოების პროცესში, სამუშაოს ახალი პოზიცი(ებ)ის წარმოქმნის შემთხვევაში, შემსყიდველის მხრიდან ცვლილება (ახალი პოზიციის დამატება) განხორციელდება სსიპ-ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტირებული პირის მიერ გაცემული დასკვნის ან მშენებლობის შემფასებელთა კავშირის „სამშენებლო რესურსების ფასებით“ განსაზღვრული ფასის ფარგლებში, ხოლო ანაზღაურება განხორციელდება ექსპერტიზის დასკვნის შესაბამისად, ფაქტობრივი დანახარჯების მიხედვით, მაგრამ არაუმეტეს ხარჯთაღრიცხვაში მოცემული ერთეულის ღირებულებებისა. ექსპერტიზის მომსახურებას უზრუნველყოფს მიმწოდებელი“.

სატენდერო კომისიის მიერ მოწონებული იქნა სისტემაში ელექტრონულად შევსებული სატენდერო დოკუმენტაციისა და სატენდერო განცხადების პროექტი, რომელიც დამტკიცების შემდეგ უნდა დარეგისტრირდეს სისტემაში.

დაადგინეს:

1. დამტკიცდეს სატენდერო განცხადება და სატენდერო დოკუმენტაცია;
2. დავალოს სატენდერო კომისიის აპარატს სახელმწიფო შესყიდვების ერთიან ელექტრონულ სისტემაში განათავსოს სატენდერო დოკუმენტაცია და ელექტრონული ტენდერის აუქციონის გარეშე ჩატარების შესახებ განცხადება.
3. შესყიდვის ობიექტის ერთგვაროვნება განისაზღვროს შემდეგი კლასიფიკატორის შესაბამისად: 45200000 - მთლიანი ან ნაწილობრივი სამშენებლო სამუშაოები და სამოქალაქო მშენებლობის სამუშაოები; 45214220 - საშუალო სკოლების მშენებლობა;


ინფრასტრუქტურის განვითარების სააგენტო
შესყიდვების სამსახური
მთავარი სპეციალისტი
კვანტალიანი თათა




სსიპ-საგანმანათლებლო და სამეცნიერო
ინფრასტრუქტურის განვითარების სააგენტო
შესყიდვების სამსახური
სამსახურის უფროსი
მესხიშვილი დავით

დ. მესხიშვილი

სამსახურის უფროსი
ბერიძე მამუკა



სსიპ-საგანმანათლებლო და სამეცნიერო
ინფრასტრუქტურის განვითარების სააგენტო
ადმინისტრაცია
ადმინისტრაციის უფროსი
ჩანტლაძე ზვიად



სსიპ-საგანმანათლებლო და სამეცნიერო
ინფრასტრუქტურის განვითარების სააგენტო
დირექტორის მოადგილე
მორალიშვილი მამია



სსიპ-საგანმანათლებლო და სამეცნიერო
ინფრასტრუქტურის განვითარების სააგენტო
დირექტორის მოადგილის ფუნქციათა
შემსრულებელი(სამშენებლო-საპროექტო
მიმართულებით)
ლევან სუხიტაშვილი

სსიპ-საგანმანათლებლო და სამეცნიერო
ინფრასტრუქტურის განვითარების სააგენტო
დირექტორის პირველი მოადგილე
შალუტაშვილი გიორგი



სსიპ-საგანმანათლებლო და სამეცნიერო
ინფრასტრუქტურის განვითარების სააგენტო
დირექტორი
ლუდუშაური ილია

